



Informacija o stanju vodostaja na vodnom području rijeke Save u FBiH

Sarajevo, 15.3.2018 u 10:00 sati

Trenutna meteorološka i hidrološka situacija na terenu uslovila je potrebu za pojačanim praćenjem vodostaja na svim vodotocima na vodnom području rijeke Save u Federaciji BiH.

"Agencija za vodno područje rijeke Save" Sarajevo u sklopu svojih redovnih aktivnosti, svakodnevno detaljno analizira podatke:

- Trenutne vodostaje na mreži automatskih vodomjernih stanica na vodnom području rijeke Save u FBiH koje su u vlasništvu Agencije,
- Meteorološku prognozu za naredna četiri dana dostavljenu od strane Federalnog hidrometeorološkog zavoda,
- Trenutne vodostaje na rijeci Savi uzvodno od granice sa BiH koji su dostupni na web stranici Hrvatskih voda,
- Rezultate prognoze padavina i vodostaja prognoznog modela za Unu-Sanu kao i platforme prognoznih modela za kompletan sliv rijeke Save.

Na svim vodotocima na vodnom području rijeke Save bilježi se stagnacija i blago opadanje vodostaja. Zbog intenzivnih padavina koje se očekuju tokom vikenda prognozira se povećanje vodostaja na svim vodotocima na vodnom području rijeke Save u Federaciji BiH.

Imajući u vidu trenutne vodostaje na rijekama Una i Sana, koji su na nivou obavještanja o mogućem plavljenju, obavještavamo službe nadležne za provođenje mjera zaštite na ovom području, te preporučujemo povećan oprez zbog mogućeg izlivanja rijeka iz korita i plavljenja okolnog terena, objekata i infrastrukture.

Na rijeci Savi vodostaji su trenutno u stagnaciji. Na mjerodavnoj vodomjernoj stanici Slavonski Brod u ovom trenutku preostalo je nešto više od 20 cm do dostizanja nivoa pri kojima se proglašavaju mjere redovne odbrane od poplava koje se odnose na zaštitne vodne objekte na poplavnim područjima Odžacka i Srednja Posavina, dok je na VS Slavonski Šamac preostalo 80 cm do dostizanja navedenog nivoa. Prema prognoznom modelu postoji mogućnost dostizanja ovih nivoa krajem sedmice.



Sve aktivnosti na praćenju i obavještanju o trenutnom hidrološkom stanju se provode u skladu sa Federalnim operativnim planom odbrane od poplava (FOP).

Agencija za vodno područje rijeke Save će zbog aktuelnosti situacije u narednom periodu kontinuirano vršiti pojačano praćenje i obavještanje o stanju voodostaja na vodotocima na vodnom području rijeke Save u FBiH.

Odjeljenje za informacioni sistem voda
Dežurni centar